

近代中國史料叢刊第三十五輯
沈雲龍主編

寫禮頤遺著

王頤著

文海出版社印行

寫禮廬遺
著四種

辛侍葉昌熾署

乙卯冬
溪王氏棊

WT 200/04

清故誥授資政大夫三品銜在任候選道記名御史軍機處
行走戶部湖廣司郎中先考芾卿府君事畧

府君諱頌蔚號芾卿又號蒿隱蘇州長洲人也先世當宋南
渡自汴隨扈而南卜居吳之洞庭東山十三世祖諱整諡
文恪仕明官至大學士乞休後居郡城遂著籍焉曾祖諱
仲淇號清川長庠附貢生曾祖妣氏顧氏郭祖諱朝華
號豐珊府庠附貢生議叙同知祖妣氏章氏鄒考諱仁
榮號欣堂吳庠附貢生候選訓導妣氏陸三代皆以府
君官贈二品封府君生於道光戊申年十月十四日時有
兄及女兄各二人生三歲妣陸太夫人卒賴繼祖妣鄒
太夫人鞠育之七歲就家塾所讀倍年長者每自塾歸則爲

諸兄抄錄文字或翻檢書籍業師戴揖蘇先生輒告人曰塾
中諸兒惟三元最爲不凡三元者 府君乳名也年十三四
子書及五經將畢時髮匪久據金陵以丹陽大營忽潰蘇城
遂陷 欣堂公奉 鄒太夫人率 府君兄弟避地婁門外
之草笠巷廬舍湫隘土地卑濕 欣堂公以腹疾卒長兄相
繼病歿 府君與仲兄擗搗喪事哀毀如成人於 鄒太夫
人前不露戚容以重老人之憂旋以草笠巷距城密邇寇氛
易迫乃奉 鄒太夫人避地海門流離瑣尾廢讀年余至此
乃與海門周彥昇先生共學逾年而堂叔休如公避地上海
招 府君同居遂奉 鄒太夫人至滬未幾 王師克復蘇
城始返故里歲丙寅應童子試邑令劄子範先生置第一遂

入邑庠於時 府君於帖括外益肆力詞章之學試紫陽正
誼各書院輒前列旣而馮景亭先生主修蘇州府志聘 府
君任纂藝文古蹟諸門遂與府襄廷管申季袁渭漁諸先生
爲文字交與葉鞠裳先生契誼尤篤同受訓詁之學於潘
侯先生又同爲常熟瞿氏校定鐵琴銅劍樓書目左右采
獲時望益隆吳之學者咸推王葉齊名歲丙子舉於鄉庚
辰成進士改庶吉士於時都中先達以宏獎風流爲已任
者爲吳縣潘文勤公常熟翁文恭公文勤固中表戚文恭
則庚辰座主也尤雅重 府君 府君於往還之際談學
問外絕不干以私事故事殿廷考試皆於試之次日命
大臣閱卷與試者輒於場後致送詩片於師門及知交
之有閱卷望者以通關

節 府君曰得失事小廉恥事大詭遇求進舉世不以爲非
問心能無愧乎故生平屢遇試事從未以詩片投入然散館
以桑林二字被抑及考試差又以區蓋二字被黜 府君淡
然無所動也癸未改官戶部趨曹餘暇手不釋卷以 昭代
經學超越宋明各經皆有補疏周禮爲歷朝典章制度所由
出獨無專書毅然以義疏自任發凡起例寔事求是爲生平
最勤心力之一又以前人譜錄金石皆致力唐宋以前惟遼
金元建都北方南省聞見宵遠紀載每多失實思以金石糾
正之乃有志搜羅近畿金石囑碑賈四出搜集先後得遼金
元石刻打本凡數千種時相與考訂稱同志者爲黃仲弢李
尊客梁星海沈子培諸先生而桐廬袁忠節公且以文字交

申之以婚姻丁亥傳補軍機章京入直趨曹稍有餘閒輒從事著述嘗於方畧館故紙堆中見殿板初印明史殘木眉上黏有黃籤審爲乾隆朝擬撰考證未竟之本因多方搜求逐條彙訂芟其繇冗採其精要成明史考證擴逸三十餘卷庚寅分校禮闈搜羅篤古之士有浙卷文筆古峭絕似定盦按諸帖括則不申程式爲力薦於總裁揭曉則蔡子元培也光緒中葉以還言路閉塞朝政漸隳魯伯陽之簡江海關道王銘之簡四川鹽茶道政以賄成人言嘖嘖 府君蒿目時局私憂竊歎嘗曰京曹官惟科道尙可抒其忠讜以補朝政之缺耳若我所居職終日疲精於抄寫役形於案牘直胥吏事一旦得居言路踵朱蓉生梁節庵後我願足矣壬辰試御史

第一 府君方幸藉此發抒生平之志會軍機處以熟手奏
留停其傳補人皆以由京卿而尙侍作宦易達爲 府君賀
府君轉鬱鬱不樂時存歸思致書友朋每謂浮沈郎署於
國無補於學有損不如早日乞休之爲愈也時臺諫中以安
曉峯先生爲敢言 府君與之交密其劾皖撫阿克達春之
貪黷劾北洋購買兵輪之浮冒等疏皆 府君屬稿 府君
初任京秩俸廉甚薄輒以家中恆產所入補其不足雖米珠
薪桂拮据殆甚 府君惟刻於自奉絕無向人告貸之舉嘗
訓諸子曰古人儉以養廉之說其義最精今之居宮貪黷身
敗名裂者非必其天性無廉恥也大都由於奢侈妄費習慣
已久非取不義之財不足以自給且舉債旣多則人之責償

於我者皆足迫我爲非義之舉又安能堅持定見以葆
白耶迨 府君直樞垣並任捐納房總辦所入稍裕而
自廿一如向時有餘輒寄南中爲修葺 先塋卹助親
寡之費嘗派充工程監督差故事凡各項官工廠商皆
價之十一分饋各監督美其名曰節省銀兩 府君獨
人謂 府君此例沿行已久承修大臣有受之者奚必
府君曰我輩取與之間貴自審慎不可隨俗浮沈昔陳
先生官部曹時卽給公項且猶不取矧此節省銀兩實
商之賄賂乎甲午中日釁起 府君以政府命將遣師
討於北洋大臣而中樞反無所主張會翁文恭公進軍
進言曰恭讀 聖祖 高宗兩朝聖訓凡事關軍務者

中朝謀定後動今日戰局旣成非直隸一省事豈能悉諗之北洋且樞府旣有總持軍機之責尤當先知戰地情形今軍機處中並高麗地圖而無之每遇奏報軍情地名且不知所指安有運籌帷幄決勝千里之望乎於是樞府始令北洋進高麗地圖至則所圖並不開方計里疏畧殊甚 府君乃四出搜求遇友人之東游歸者搜其書篋得一紙則日本報館中所附之高麗圖也凡鐵道港口電綫一切皆羅列 府君乃歎曰敵人謀之非一日我乃臨渴掘井如何制勝憤懣久之旣而 王師失利償金割地委曲求和 府君益爲悲憤嘗曰今之敗績徒歸咎於師之不練器之不利猶非探本之論頻年以來盈廷習泄沓之風宮中務游觀之樂直臣擯棄

賄賂公行安有戰勝之望此後償金既巨民力益疲恐大亂之起不在外患而在內憂時局至此令人有披髮入山之想又云 先祖 先父俱年未登五十余殆不能過其厯乎悒悒累月竟於乙未七月初一日驟染時疫歿於京師易簣時惟次子季同侍側論之曰死非我所憾惟汝曾祖母 鄒太夫人年逾七十我本擬旦夕乞休歸盡反哺之忱不克如願此可憾耳爾輩兄弟平日和睦吾可無憂惟將來立身處世之道務宜自謹我族自明以來如 文恪公 承天公皆爲有明名臣未仕者亦皆世爲諸生以篤行見重鄉里而 道樹公以明亡隱居胥莊終身不入城市尤足以勵臣節余但望爾輩讀書得青一衿爲鄉里善人無墜家聲斯可矣春秋

四十有八遺著有寫禮頌文集詩集讀碑記古書經眼錄各一卷周禮義疏殘稿若干卷明史考證摭逸三十餘卷寫有定本爲袁忠節公借刊庚子之亂忠節遇難稿遂散失至今訪求未獲歿後三年葬於吳縣西跨塘狀元浜萬樂山麓之栲栳灣配吾母 謝夫人同邑松甫公女持家節儉訓子嚴明 府君歿後鑿於時變最諸子遠游求學諸子粗能自立則歲舉 府君遺產息入千餘金設振華學校於蘇城躬親校務不自暇逸子五季烈長庠生壬寅科舉八甲辰科進士刑部主事調學部補員外郎升郎中任專門司司長京察一等記名道府兼充京師譯學館監督資政院欽選議員於辛亥十二月去官季同京師同文館學生升副教習外務部七

品繙譯官歐洲游學生監督處辦事員出嗣族兄薇卿公後
季鑒殤季點吳庠生游學日本東京高等工業學校畢業應
學部試給工科舉人廷試授內閣中書官農工商部主事充
京師大學堂格致科提調現任農商部技正北京工業專門
學校教員季緒游學英國園橋大學畢業現充北京工科大
學兼工業專門學校教員女六長殤次適費適袁次未字次
適何適程孫十一守約殤守兌守圻殤守則守夏殤守熾守
競守存殤守泰守鼎守聰圻競恥均隨季同出嗣女孫十一
殤者三 府君歿後之二十年季烈避地海濱深恐 府君
著述日久就湮敬將遺著四卷校錄付梓周禮義疏則 府
君未成之稿嘗學無知尙難寫定 府君道德文章非小子

所能窺見萬一輒追憶幼時所聞及親得於 府君者撮陳
大概冀

當世閱達知我 府君者錫之誌傳則吾世世子孫感且不
朽

乙卯孟秋之月甲戌朔越七日辛巳長男王季烈謹述

年愚姪章鈺頓首拜填諱

寫禮廟遺箸總目

文集一卷 駢散文二十四首

文集補遺一卷 散文一首

詩集一卷 古今體詩九十一首

古書經眼錄一卷 題識四十三條

讀碑記一卷 題跋五十二條

寫禮願文集

長洲王頌蔚高隱

恭進平定陝甘新疆回匪方畧表

代

欽惟我 皇上德峻同天 量閎括地 握三靈之寶契

續十葉之休符 黃屋凝神 聖表彰乎玉斗 璇宮養志

孝治協於鉤鈐 文思宴而萬邦和 武義璜而七德舞

天保治內采薇治外 攬大小雅以儲才甲夜 觀事乙夜

觀書 居左右个而聽政年和氣淑魏徵醴泉之銘 澤

洽 威宣終軍奇木之對 考于靈曜間衡格四表之光

奉以中黃瀛海奠九州之大伊慮產里闕耳離身之國陶詠

乎侏任紉牛露犬乘黃茲白之貢焜耀乎旌羽固已遷亭卧

鼓纛服清塵銷甲而事春農糞車而卻走馬惟是 五始受
圖之載曾訂九開柔武之文洎乎偃伯歸鬯之年遂定分類
居方之制則有筠冲衍派景教流行奉穆罕默德爲宗習甫
爾加尼之典隋開皇之世思葛以綴術來華唐元和之初摩
尼與賈胡作蠱太原置寺而彼教遂布寰瀛洪武譯經而其
徒益樹徽幟於是爰劔之種近依賜支槃瓠之苗入居祿福
允姓東徙及於渭汭轅轅貲虜南牧置諸武威張掖當夫三
垂粲晏九服清怡邊障無鹿駭之憂郊甸有麇游之瑞雖復
月氏遺孽散處西河日逐名王潛來北地而仁覃葭葦乳虎
亦復含牙食裕桑葚翩鴟自然革響迺自長橈藝壘柱矢流
天徵側盜桂管之兵揚么踞湖湘之岨嶺南羣盜斗米書符

淮北妖徒神叢號眾白波黑山之黨蕤蔓者八九州赤眉青
犢之蓄綿曖者十數禩於是狼望之北龍堆以西引弓萌射
月之心撓酒竊彌天之號衛辰木元海之族羆白狼生精絕
爲鄴善所并蠻借觸鬪加以武陵太守徭稅失平安夷小吏
淫畧滋甚蘇定虐而蘆冷叛辛湯酌而降羗離遂使洛郟故
虛獍雛潛煽屈茨廢壘螳賊紛乘玉素皮偵知漢謀傅軍臣
而肆毒倭里罕實惟塞種越縣度以闕邊福舍千尋修地窟
宅逢留二部天鳥相翔火州叛而風驛生災依耐亡而沙梁
失嶮休屠祭天之處鬱爲榛蕪渠叟入貢之涂隔於鹽毳渠
犁之田官已沒光祿之亭障皆隳盧卿無功候騎達於雍時
涿鞮入寇廷議欲閉陽關 文宗顯皇帝聖策風行 英謨

電發不煩二十八將無假五十二征 命魏絳以和戎甲兵
不煩 詔唐蒙使諭蜀陬落知歸劉向殃民 璽書逮問勝
之按事繡斧巡行翦翎侯之主謀莫南衰耗懲迷吾之反覆
海西艾安然而烏氏義渠錯跣雍梁之野狄獠邾冀潛居涇
漆之濱先零種豪依阻湟水當煎殘醜徒置扶風性情則狗
態驚腸族類則豕噓狼顧伊川被髮知戎禮之先亡冒頓生
心值漢家之多事牛象之鬪釁起圭銖狸鼠之爭禍纏鋒鋦
養士蓄械潛訐者數年揭木負柴發難於一旦借郭解報仇
之語行隗囂稱亂之私勾驪山亡命之徒據咸陽形勝之地
鱷鯢不翦黎翁斯張楊鈞反於仇池盧芳起於安定秀巖叛
將附思明以拒唐衛律亡奴教單于之擊漢昆陽被困衝朝

奚止十重吐渾寇邊烽火竟連三月 穆宗毅皇帝遐衝是
折 廟勝先操 秉鉞而濟艱難 騰書而示禍福 紹庭
奉 豐宮之命 斧辰銘勳 誓師秉 姒幄之規 檀車
肆伐南人不反喜江漢之波平 西顧生憂值河湟之事棘
夫信賞必罰經武之要圖批亢擣虛行軍之次第縱胡馬邑
逮治王恢失律陳陶平鐫房瑄段穎邊垂夙將責之以靖氏
羌李晟社稷良臣任之以收汧隴移荆襄之勁卒下雍塞之
舊疆潼關爲全陝衿喉防韓馬之先據同州乃長安屏衛本
周齊所必爭韓信擊魏先扼臨晉之渡黼允拒趙因屯曲梁
之宮郭子儀大捷黃堆黨項之勢遂綢李克用進軍零口渭
橋之路復通八道俱攻三伏是設振烈風而埽籜傾教海以

澆瑩甲不去身終宵馳三百里虜皆在目一月收十二城拔
沙苑若轉丸舉秦川如沃雪轉敖倉之粟邸問興屯船渭陽
之舟蒙衝夾擊禽蹙獸壓沮漆爲之塢流電驚霆驅商雒於
焉漸定 軒圖默運蚩尤之毒霧難狂隴事方殷諸葛之大
星遽貫長城竟壞軍士拊膺大樹中摧 朝廷旰食遂乃狼
氛復熾鴟義更張齊萬年擁眾涇陽彭奚念稱兵枹罕燒何
內徒竊據參綠瞎征尋讎旁陷積石昆邪王之分地烽燧燭
天赫連氏之遺區鬪饑塞路沮渠肆虐畔換瓜涼元昊尋兵
恣睢環慶情同首鼠朝畔而夕懷勢似連雞此擊則彼竄羌
胡一百五種沸如螭塘隴右三十三州淪於豺虎又况墨克
祖國叛服不常和通種人駭除難盡焉耆攻沒都護康居叛

迎邽支安息遮遏大秦貴霜吞併濮達大宛殘狡潛盜朕疆
布露遺黎甘傅毒螫石槐乃投鹿侯子仍世驍雄賀魯居多
邏斯川專制瀚漠撈竿孤塗之背嫚呼衍須卜之苛燒敦煌
三百帳沒我田畜離滿五萬戶恣其鞭箠自建武暨延光西
遐屢絕由沙州至鹽澤南道不通長史困於柳中何從倚漢
邊地棄夫斗辟因以予胡絕幕未能諸將畫玉關而守暴師
已久舉朝議珠厓之捐 帝怒赫張 神謀夙定 命來歙
取天水 使馬璘鎮涇州弢以漆弓控制萬里假之黃鉞統
御六師會九節度之兵共圖關右率六將軍而出直指回中
齊伐淮南徐陵薦裴忌厥惟良副唐征遼左馬周舉韓挺堪
任麤才趙充國馳至金城圖上方略王忠嗣進規磧口訶知

敵情以爲欲定天山先清隍陘欲安反側先解脅從酋非旣
誅罕开自能讐服子輿不滅銅馬難免軻張爾乃運荀子之
五權授越王之七術雷輜雲旛壓灞岸而騰波驪駕輦車並
隴山而輸粟奇兵七百王峻合臨洮之軍彊弩二十虞詡殲
赤亭之寇計取孟獲七縱七禽窮追賀眞九日九夜劉沔之
破葉護一轡不歸唐璿之援涼州六戰皆克西戡北拒鋒蝟
斧塘左翦右屠鬻頭徽頸然且申嚴壹之號令布寬大之
詔書射用三驅賊禽聞而感泣網開一面涸鱗因以昭蘇宋
藝祖之戒曹彬慎毋妄殺劉仁軌之降沙吒示以赤心懷州
二將歸誠於光弼沙陀干落助順於希朝執渾擎之旗先驅
維謹係軹道之組後至斯誅抱馬投戈望和門而羅拜墮牆

填塹釋衲服以歸農爲屋三萬間使之相保相任畫地三十
里予以可牧可耕當是時瓦亭設關涇原大定沃野置鎮靈
夏來歸迷唐徙而二榆空燒當震而五縣獻繁鞠頑之盍稚
獨負固於討來檻獸繼禽殘魂僅屬鬼狐沙蜮射影猶工懷
光矯虔倚朱泚之勢薛舉亡破結阿史爲援獬子狙獾子獲
胡行如鬼順刃生蘇刃死漢將皆飛六郡良家沒石翹關之
勇四面招討蕩海拔山之威施檻上之輶輶樵汲已斷鳴地
中之鼓角飛走俱窮鉤衝進而犀兕爭先樓堞毀而鼙餘失
據李愬之平淮蔡指麾若神狄青之奪崑崙焱迅無比置酒
泉之郡保勝安邊登唐述之山勒崇銘石封狼居而未遠待
挂葱嶺之弓望 龍髯以難攀遽鑄 荆山之鼎 皇上丕

膺鴻業 光紹燕謀車書而南北皆同候尉而東西未壹
堯勳待放 特陳丹浦之師 軒籙初膺 誓戢青邱之暴
於是方叔伐鼓南仲出車 廟算旣多軍心致一票姚勇畧
從仲卿而冠軍常侍良圖受裴相之節制五原美稷苗彭分
屯通漠金河邱柴並出芟藁鹽穀之數受籍於司農鎧仗戈
及之屬簡材於武庫木牛流馬民忘僦運之勞夜火晝旗士
習孤虛之術六日轉戰誓抵闐顏八部並進計殲孟達博望
著導軍之績合騎無失道之兵遂裏氈雪山投鞭蒲類摩伊
吾之舊壘蹀金滿之故城前後車師之庭清夷荒憬東西且
離之國芟蕩榛荆割髀斷肩扼亢拊背通嶮得先居之利輔
車奪相依之形厲蒲昌而麟龜茲戣尉頭而藉姑墨奮於越

習流之士盛火之瓠不然發瀘河埋坑之糧載土之車盡棄
柔然虜其半部回鶻斲而七分郭恪拔處月之城高侃俘車
鼻之眾三姓貴種扶服迎降諸道行營銜枚疾走當渠且戶
係縲者八十三人兜勒蒙奇內屬者三十六國梟聲旣徙虵
箠偏留驅降戶以南遷斷道橋而西竄焚齡石之室數日不
燔灌晉陽之城三版未沒濡帷葺屋決流漉沈進逼于賓規
收疏勒渠莎地廣取之若撥糞磐葉城堅舉之如荆毳時則
黑白兩漠已無風塵南北二庭咸表誠款張寶相之追頡利
計日成禽王君奐之攻諾邏歸路先斷巢幕之鳥學爰居而
避風沸鼎之魚覲騰虵之遊霧旣窮鸛逐自盡鳩媒臨海台
圍孫恩思而鼠竄柏梁妮隊伏允因之雉經犀革檻車雖免

南宮之醢鴟夷獨鹿竟湛子胥之尸寒促之亡過戈并滅阿
牽旣斃慶緒潛逃輿貳負於開題遁九嬰於凶水田榮敗走
見讎平原之民豎牛奔齊授首塞關之外狼羆盡殪蛩駘聚
殲刑無胥靡誅不填服捷書飛報喜寰海之銷兵琛賚來
同開明堂而受賀衣冠原廟舉列宗烝祭之文弓
劍橋陵竟先帝殪戎之業堯門進膳舞綵承歡漢
殿論功剖符行賞禁中頗牧影纓紆組之榮閩外岑馮
礪山帶河之誓誕敷文德鏤伐昆吾大告武成燔柴泰
壹圖戰功於麟閣鞶鼓思邊將之勞閔勤事於龍沙羽
林補孤兒之職雲施露湛天清地澄秉上聖納隍之仁
洗舊日毆叢之酷廣施粟纒重任田廬見漢官之儀耆童雨

泣入新豐之市雞犬知歸威懾同蒙惠周遺子惟是陳豨擊滅盧綰遂遁匈奴建德伏誅黑闥竟奔突厥終帶叛亡之虜置零吾以田居袁尙敗竄之餘依蹋頓而自固又况岑陬舊部伊麗名川四十八橋徵諸長春真人之記九十六種見於湛然居士之編蕃蔽伊涼是惟右臂庸回薰獫遂啟戎心州羈縻而旣淪使守捉而亦廢粵乘秦亂桂林之盜據經年魯與齊鄰鄆謹之來歸無日雖鐵勒諸部亦旣奉土歸誠而昆彌舊治猶復閉關固拒三軍搃擊元老陳謨願因百戰之兵騷動九天之上斂關而責故地壓境而索罪人 皇上宏柔懷之遠圖 閔將士之積瘁按兵不動發使陳詞撫五體之碑文徵八科之信誓正烏孫之舊界貸鼉令之遊魂歸漢里

君共喻止戈之武蠻夷大長幸免問罪之師由是廣 高宗
經野之模榻 聖世同仁之化鑄漢時甌脫之議軌周代戎
索之經迪化一州鎮西二縣久已編之赤緊錄我黃圖學官
立弟子之員野老善名田之冊仍舊不作誦閔子之法言補
短以長更陰晉之舊目若乃輪臺東迤劍末西岨玉英金根
之所孕火山風穴之所亭自昔榛狉許因夷禮今茲陶染願
爲夏聲爲之剔壤疏泉辨方正位鐸李翕之橋道醜鄭國之
河渠會五土之物宜建百雉之城闕尹以州長縣正蒞之都
守郡丞合彼北垂筦以觀察置度支營田之使放持節刺史
之官是惟附庸統於隴道新安行省秉經畧於江南毘舍輿
圖受控制於閩越合之則華離壤錯分之則建置星羅雖復

秦取陸梁之地置南海象郡漢誅邛苳之長開粵嶠沈黎鬱
督軍山唐設都護之府額齊納路元立總管之司未足以抗
我顏行方茲規隻用是督察烏壘動靜皆知鎮撫伊循威重
可倚置候千三百所以葡北荒列屯三十四部以鄯西海同
羅白霽分別部居醫曠防步前除僞號五小王之舊地廬帳
雲屯三葛邏之故庭亭燧星列陂池交屬纏回鷹娑之川郵
表相望竭來龍勒之縣芳草甘木儷鄂杜之上腴觚布書刀
方巴蜀之文雅設闔師以經九野置升人而采五金酒號末
陀奚官辨味錦名旦耳織室輸珍和闐撈玉之河琅玕溢肆
溫宿鑄錢之冶貨貝充衢祆神之祠阿瑋之經改襟而受吏
婆羅之參巴旦之杏納筐而來賓罷兵息民減湟中之義從

劭農訓武省關內之轉輸西鑿凌山東苞鮮水南控身毒北
變丁令革渾酪而肆耕桑弛氈裘而垂冠帶此蓋幸逢 泰
運卽奉 乾圖 本仁育義正之規 建小征大匡之烈
用李靖爲總管 信任不疑 詔劉晏督軍儲餉餼不絕
拔終賈於英妙不限年資 善韓范之知兵不爲隄制舉告
緡之令而口錢更賦不倍算以供軍築受降之城而分田受
廛不剝誅而珍類戰勝則龜符金組不恡刊印之封賈軍則
繫水輦纓不援議貴之律因能上下同德將校壹心運籌帷
幄之中過師枕席之上移兵西嚮收秦地之山河秉旆南征
轢高昌之霜雪朱鷺鏜吹樂奏兜離金鵝表文誠輸弄讚渾
瑊充會盟之使李佺立分界之碑金帶犀毗分貽館伴蒲桃